

الفصل العشرون

دخلت آخذ دوووش.. من سوكات ومن غير وش عشان أنا
باخذ برشام.. بعد وقبل الصحيان.. وبيفقدني الاتزان.. وأطلع
من تحت الملاية أدور على الشبشب واللحاف والكبرتايه.. قوم
أخبط في الأرضية بالسبرتايه.. وأعطس.. وتيجي العطسة
عليها.. والدنيا تقوم مولعة فيها.. أرجع للبانيو.. أطفى الحريقة..
ولعقلي أحايله.. عشان يعمل عمايله.. ويكتيلكم.. حاجة تفرحكم
وتفيدكم.. وأنتم كعوايدكم.. مكسلين.. ونايمين.. ولا بتقروا..
ولا بتفكوا الخط..! وأنا عمال أنبش في ذكرياتي وأهرش..
وأنط..! عشان أسعدكم.. وللضحكة على جبينكم أحط..!
وشعري من كتر الكوي.. والشد.. وقع.. وعليا احتد..! وقاللي
دول مطنشينك.. وعايزيني اجيلك.. ده كان زمان وجبر..! وهما
عنك ولا حس ولا خبر..! وأبقى قابلني.. لو حد سأل فيك.. أو
حتى يعلق عليك بلايك أو مايك.. وحتى مارك.. منك طفش..
ومن أسلوبك العفش..! وشير للعالم بأسره.. يعملوك بلوك أو
هيدين..! ولا يشوفك حد.. ولا أنت موجود على الشاشة بجد..!
وخدها مني نصيحة اتهد..! لحسن حاجيلك كارثة أو فضيحة..
ومحدث حايعبرك..! ولا واحد حايقرا لك أو يسمعك..! فخدها
من قصيره.. ولم الدور واشتري راحتك.. وبطل تلوك لوك..!
وتكتب.. محدش منتبهلك..! ولا واحد.. طايقك أو حتى قادر

يجاملك..! وكل كلامهم ليك.. صدقات..! لإننا داخلين على
شهر التبرعات..! ولولا كده.. مكنتش تلاقي أي حد.. حتى.. لك
(سين).. ولا يبص عليك ولا جيم..! وخدوها مني نصيحة.. بلاش
العذاب والعتاب.. على الصفيحة.. (صفحتي على الفيس).. لأنه
أصبحت ليس لها معنى وفايدة.. من طناشكم وعمايلكم.. ومهما
اعتذرتم وطبطبتهم.. أنا زحلان منكم.. لإهمالكم.. ومبقاش فيا
عقل أو قلب.. يسامحكم..؟.. هه..!

